

VII. КОРХОНАЛАР ВА ТАШКИЛОТЛАР ФАОЛИЯТИНИНГ УМУМИЙ ТАВСИФИ

Корхоналар ва ташкилотлар ягона давлат регистри маълумотларига кўра, 2020 йилнинг 1 апрель ҳолатига рўйхатга олинган юридик шахслар сони (деҳқон ва фермер хўжаликларисиз) 25478 тани ташкил қилиб, шундан 24086 таси ёки 94,5 фоизи фаолият кўрсатмоқда.

Иқтисодий фаолият турлари бўйича рўйхатга олинган корхона ва ташкилотларнинг асосий қисми савдо 6345 та (24,9 фоизи), саноат 3955 та (15,5 фоизи), қурилиш 2670 та (10,5 фоизи), яшаш ва овқатланиш бўйича хизматлар 2053 та (8,1 фоизи), ташиш ва сақлаш 1441 та (5,7 фоизи) соҳаларига тўғри келади.

Ўзбекистон Республикаси Вазирлар Маҳкамасининг 2012 йил 25 сентябрдаги “Корхоналар ва ташкилотларнинг ягона давлат регистри тўғрисидаги Низомни тасдиқлаш ҳақида”ги 274-сонли қарорига мувофиқ тадбиркорлик субъектларини давлат рўйхатидан ўтказувчи органлар томонидан тақдим этилган билдиришиномага асосан Корхона ва ташкилотларнинг ягона давлат регистри базаси юритилади.

2020 йил 1 апрель ҳолатига рўйхатга олинган ҳамда фаолият кўрсатаётган корхона ва ташкилотлар иқтисодий фаолият турлари бўйича

	Рўйхатга олинганлар		Фаолият кўрсатаётганлар	
	бирлик	яқунга нисбатан фоизда	бирлик	яқунга нисбатан фоизда
Жами	25478	100,0	24086	100,0
<i>шу жумладан:</i>				
қишлоқ, ўрмон ва балиқ хўжалиги	2585	10,1	2372	9,8
саноат	3955	15,5	3730	15,5
қурилиш	2670	10,5	2519	10,5
савдо	6345	24,9	5967	24,8

	Рўйхатга олинганлар		Фаолият кўрсатаётганлар	
	бирлик	яқунга нисбатан фоизда	бирлик	яқунга нисбатан фоизда
ташиш ва сақлаш	1441	5,7	1384	5,7
яшаш ва овқатланиш бўйича хизматлар	2053	8,1	1919	8,0
ахборот ва алоқа	264	1,0	248	1,0
соғлиқни сақлаш ва ижтимоий хизматлар кўрсатиш	606	2,4	596	2,5
бошқа турдаги хизматлар кўрсатиш	5559	21,8	5351	22,2

Иқтисодий фаолият турлари бўйича рўйхатга олинган корхоналар ва ташкилотларнинг асосий қисми яъни 24,9 фоизи савдо, 15,5 фоизи саноат, 10,5 фоизи қурилиш, 10,1 фоизи қишлоқ, ўрмон ва балиқ хўжалиги, 8,1 фоизи яшаш ва овқатланиш бўйича хизматлар, 5,7 фоизи ташиш ва сақлаш, 2,4 фоизи соғлиқни сақлаш ва ижтимоий хизматлар кўрсатишда, 1,0 фоизи ахборот ва алоқа соҳасида ва 21,8 фоизи бошқа фаолият турлари ҳиссасига тўғри келган.

Иқтисодий фаолият турлари бўйича рўйхатдан ўтган корхоналар ва ташкилотларнинг улуши, фоиз
(фермер ва деҳқон хўжалиқларидан ташқари)



Рўйхатдан ўтган корхоналар ва ташкилотларнинг асосий улуши Бухоро (31,3 фоиз) шаҳри, Гиждувон (11,0 фоиз), Ромитан (8,1 фоиз), Бухоро (7,6 фоиз) туманларига тўғри келди, шу билан бирга, энг кам улушни Қоровулбозор (2,0 фоиз), Олот (3,1 фоиз) туманлари ҳамда Когон (3,9 фоиз) шаҳрида кузатилди.

Рўйхатга олинган юридик шахсларни мулкчилик шакллари бўйича

тақсимланиши, бирликда
(фермер ва деҳқон хўжаликларисиз)

	Жами, бирлик	давлат	нодавлат	шундан хусусий
Вилоят бўйича:	25478	2187	23291	3834
Бухоро ш.	7978	426	7552	1272
Когон ш.	999	81	918	183
туманлар:				
Бухоро	1933	157	1776	378
Вобкент	1141	152	989	122
Жондор	4441	169	1477	125
Когон	1295	90	1205	233
Олот	789	117	672	253
Пешкў	1500	160	1340	119
Ромитан	2068	159	1909	113
Шофиркон	1508	188	1320	194
Қоракўл	1311	177	1134	309
Қоровулбозор	521	55	466	34
Гиждувон	2789	256	2533	499

Рўйхатга олинган корхоналар умумий сонининг 91,4 фоизи нодавлат мулки шаклидаги корхоналар, шундан 16,5 фоизи хусусий корхоналар, 1,3 фоизи чет эл сармояси иштирокидаги корхоналар, 0,2 фоизи акциядорлик жамиятлари, 73,4 фоизи бошқа корхоналар улушига тўғри келди.

**Рўйхатга олинган хўжалик юритувчи субъектлар-юридик шахслар
мулкчилик шакллари бўйича (умумий сонига нисбатан фоиз ҳисобида)**



Фаолият кўрсатаётган корхоналар ва ташкилотлар сони 24086 тани ташкил қилиб, ўтган йилнинг шу даврига нисбатан солиштирилганда 3871 та (16,1 фоиз) га ошган.


Рўйхатга олинган корхоналар ва ташкилотларнинг умумий сонига фаолият кўрсатаётганларнинг улуши 94,5 фоизни, шу билан бирга жами корхоналар ва ташкилотларнинг умумий сонига нисбатан фаолият кўрсатмаётганларнинг улуши 3,9 фоизни ташкил этди.

**Фаолият кўрсатаётган ва фаолият кўрсатмаётган
корхоналар ва ташкилотлар улуши, фоиз**




Иқтисодий фаолият турлари бўйича фаолият кўрсатаётган корхоналар ва ташкилотларнинг умумий сонига нисбатан 24,8 фоизи савдо, 15,5 фоизи саноат, 10,5 фоизи қурилиш, 9,8 фоизи қишлоқ, ўрмон ва балиқ хўжалиги, 8,0 фоизи яшаш ва овқатланиш бўйича хизматлар, 5,7 фоизи ташиш ва сақлаш, 1,0 фоизи ахборот ва алоқа, 2,5 фоизи соғлиқни сақлаш ва ижтимоий хизматлар кўрсатиш ва 22,2 фоизи бошқа фаолият турлари ҳиссасига тўғри келади.

**Фаолият кўрсатаётган корхоналар ва ташкилотларнинг
иқтисодий фаолият турлари бўйича улуши, фоиз**
(фермер ва деҳқон хўжаликларидан ташқари)



Худудлар кесимида фаолият кўрсатаётган корхоналар ва ташкилотларнинг сонига энг кўпи Бухоро (7682 та) шаҳри, Ғиждувон (2500 та), Ромитан (2000 та) ва Бухоро (1773 та) туманларида ташкил этгани ҳолда, ушбу йўналишда Когон (930 та) шаҳри, Олот (696 та) ва Қоровулбозор (507 та) туманларида корхоналар сони камлигини кузатиш мумкин.

Шаҳар ва туманлар бўйича янги ташкил этилган корхоналар ва ташкилотларнинг сони (бирликда)



2020 йил январь-март ойларида 1320 та корхоналар ва ташкилотлар янги ташкил этилган бўлиб, 2019 йилнинг шу даврига нисбатан 1,7 мартага камайган. Янги ташкил этилган корхоналар ва ташкилотларнинг асосий қисми Бухоро (368 та) шаҳри, Ғиждувон (154 та), Ромитан (122 та) ва Бухоро (101 та) туманлари ҳиссасига тўғри келган. Аксинча, Когон (47 та) шаҳри, Олот (49 та) ва Қоровулбозор (29 та) туманларида ташкил этиш кўрсаткичи паст даражада.

Шаҳар ва туманлар бўйича корхона ва ташкилотлар сони, (бирликда)
(деҳқон ва фермер хўжаликларисиз)


	01.04.2020 йил ҳолатига рўйхатга олинган	2020 йил январь-март ойларида	
		янги ташкил этилган	туғатилган
Вилоят бўйича	25478	1320	390
Бухоро ш.	7978	368	150
Когон ш.	999	47	4
<i>туманлар:</i>			
Бухоро	1933	101	19
Вобкент	1141	78	26
Жондор	1646	93	20

	01.04.2020 йил ҳолатига рўйхатга олинган	2020 йил январь-март ойларида	
		Янги ташкил этилган	Тугатилган
Когон	1295	70	12
Олот	789	49	26
Пешкў	1500	77	22
Ромитан	2068	122	55
Шофиркон	1508	57	23
Қоракўл	1311	75	15
Қоровулбозор	521	29	3
Ғиждувон	2789	154	15

Иқтисодий фаолият турлари бўйича янги рўйхатга олинган корхона ва ташкилотларнинг 29,4 фоизи савдо, 17,4 фоизи саноат, 10,6 фоизи яшаш ва овқатланиш бўйича хизматлар, 8,6 фоизи қурилиш ва қолган қисми бошқа соҳаларга тўғри келади.


Ҳисобот даврида 390 та корхона ва ташкилотлар фаолияти.

2020 йил январь-март ойларида ташкил топган ва тугатилган корхоналар (деҳқон ва фермер хўжалиқларисиз)



2020 йил январь-март ойларида жами 1320 та янги корхона ва ташкилотлар рўйхатга олинган (шундан кичик бизнес субъектлари 1263 та). Уларнинг асосий қисми Бухоро шаҳри (вилоят бўйича янги рўйхатга олинган жами корхона ва ташкилотларнинг 27,9 фоизи), Гиждувон (11,7 фоиз), Ромитан (9,2 фоиз), Жондор (7,0 фоиз), Бухоро (7,7 фоиз) туманларига тўғри келди.

**Худудлар кесимида янги ташкил этилган корхоналар
ва ташкилотларнинг сони
(фермер ва деҳқон хўжаликларидан ташқари)**




Агарда иқтисодий фаолият турлари кесимида кўрадиган бўлсак, корхоналар ва ташкилотларнинг асосий қисми савдо (29,4 та), саноат (17,4 та), қурилиш (8,6 та) ва яшаш ва овқатланишда (10,6 та) янги ташкил этилган. Энг ками эса соғлиқни сақлаш ва ижтимоий хизматлар кўрсатиш (2,3 та), ахборот ва алоқа (1,1 та) ҳамда ташиш ва сақлаш (4,6 та) фаолият турларига тўғри келган.

**Янги ташкил этилган корхоналар ва ташкилотларнинг иқтисодий
фаолият турлари бўйича сони, бирликда
(фермер ва деҳқон хўжаликларидан ташқари)**

	01.04.2018 йил		01.04.2019 йил		01.04.2020 йил	
	умумий сони	улуши, фоиз	умумий сони	улуши, фоиз	умумий сони	улуши, фоиз
Жами вилоят бўйича	922	100,0	2249	100,0	1320	100,0
Савдо	139	15,1	914	40,7	388	29,4
Саноат	140	15,2	518	23,0	230	17,4
Қишлоқ, ўрмон ва балиқ хўжалиги	163	17,7	144	6,4	193	14,6
Қурилиш	102	11,1	190	8,5	113	8,6
Яшаш ва овқатланиш бўйича хизматлар	66	7,2	188	8,4	140	10,6
Ташиш ва сақлаш	28	3,0	82	3,6	61	4,6
Ахборот ва алоқа	14	1,5	10	0,4	15	1,1
Соғлиқни сақлаш ва ижтимоий хизматлар кўрсатиш	28	3,0	25	1,1	31	2,4
Бошқа турлар	242	26,2	178	7,9	149	11,3

**Иқтисодий фаолият турлари бўйича янги ташкил этилган
корхоналар ва ташкилотларнинг улуши, фоиз
(фермер ва деҳқон хўжаликларидан ташқари)**



2020 йил 1 апрель ҳолатига 20825 та тижорат шаклидаги корхоналар ва ташкилотлар фаолият кўрсатаётган бўлиб, шундан хусусий корхоналар 3487 та, оилавий корхоналар 1970 та, масъулияти чекланган жамиятлар 15029 та ва бошқалар 339 тани ташкил этган.

Тижорат шаклидаги фаолият кўрсатаётган корхоналар ва ташкилотларнинг асосий қисми Бухоро (6801 та) шаҳри, Ғиждувон (2177 та), ҳамда Ромитан (1774 та) ва Бухоро (1563 та) туманларида ташкил этган бўлса, аксинча Когон (808 та) шаҳри, Олот (551 та) ва Қоровулбозор (434 та) туманларида корхоналар ва ташкилотларнинг сони камлиги кузатилди.

**Ташкилий ҳуқуқий шакллари таснифлагичи бўйича фаолият кўрсатаётган тижорат корхоналарининг сони, бирликда
(фермер ва деҳқон хўжаликларидан ташқари)**




2020 йил 1 апрель ҳолатига фаолият кўрсатаётган хорижий капитал иштирокидаги корхоналар сони 284 тани ташкил этди. Бу кўрсаткич ўтган йилнинг шу даврига нисбатан 91 тага ёки 47,2 фоизга ўсган. Ушбу корхоналарнинг асосий қисми Россия Федерацияси, Туркия Республикаси, Хитой Халқ Республикаси, Қозоғистон Республикаси ва Корея Республикаси ҳиссаларига тўғри келади.

Хорижий капитал иштирокидаги фаолият кўрсатаётган корхоналарнинг давлатлар кесимида сони, бирликда



Шунингдек, хорижий капитал иштирокидаги фаолият кўрсатаётган корхоналарнинг 155 таси қўшма, 129 таси эса хорижий корхоналар ҳисобига тўғри келади.

Фаолият кўрсатаётган хорижий капитал иштирокидаги корхоналар сони, бирликда



Хорижий капитал иштирокидаги фаолият кўрсатаётган корхоналарнинг асосий қисми Бухоро шаҳрида 148 та (жамидagi улуши 52,1 фоиз) ва Когон туманида 21 та (7,4 фоиз), Пешкў туманида 17 та (6,0 фоиз) ташкил этган. Энг ками Олот туманида 6 та (2,1 фоиз), ҳамда Шофиркон, Қоракўл, Қоровулбозор туманларида 9 тадан (3,2 фоизни) ташкил этади.

Бу эса мазкур ҳудудларда хорижий ҳамкорлар билан ишлашни, инвестициялар жалб этиш борасида амалий ишларни янада жонлантириш ҳамда ривожлантириш лозимлигини кўрсатмоқда.

Ҳудудлар кесимида хорижий капитал иштирокидаги фаолият кўрсатаётган корхоналар сони, бирликда

	Корхоналар сони	Жамига нисбатан улуши, фоиз
Вилоят бўйича	284	100,0
Бухоро ш.	148	52,1
Когон ш.	15	5,3
<i>туманлар:</i>		
Бухоро	12	4,2
Вобкент	7	2,5
Жондор	11	3,9
Когон	21	7,4
Олот	6	2,1
Пешкў	17	6,0
Ромитан	10	3,5
Шофиркон	9	3,2
Қоракўл	8	2,8
Қоровулбозор	9	3,2
Ғиждувон	11	3,8


Агар 2020 йил 1 апрель ҳолатига фаолият юритаётган хорижий капитал иштирокидаги корхоналарнинг иқтисодий фаолият турлари кесимида кўрсак, энг кўпи саноатда 121 та (жамига нисбатан улуши 42,6 фоиз), савдода 55 та (19,4 фоиз) ҳамда қурилишда 31 та (10,9 фоиз) ни ташкил қилган. Энг камлари эса ташиш ва сақлашда 5 та (1,8 фоиз), ахборот ва алоқа бўйича хизматларда 1 тани (0,3 фоиз) ва соғлиқни сақлаш ва ижтимоий хизматлар кўрсатиш тармоқларда 6 тани (2,1 фоиз) ташкил қилган.

Кўриниб турибдики фаолият юритаётган хорижий капитал иштирокидаги корхоналарнинг асосий қисми саноат ва савдо фаолияти, энг кам улуши эса соғлиқни сақлаш ва ижтимоий хизматлар кўрсатиш ҳамда ахборот ва алоқа фаолият турлари ҳиссаларига тўғри келган.

Фаолият кўрсатаётган хорижий капитал иштирокидаги корхоналарнинг иқтисодий фаолият турлари бўйича сони, бирликда
(2020 йил 1 апрель ҳолатига)

	Корхоналар сони	Жамига нисбатан улуши, фоиз
Жами	284	100,0
<i>шу жумладан:</i>		
қишлоқ, ўрмон ва балиқ хўжалиги	20	7,0
саноат	121	42,6
қурилиш	31	10,9
савдо	55	19,4
ташиш ва сақлаш	5	1,8
яшаш ва овқатланиш бўйича хизматлар	21	7,4
ахборот ва алоқа	1	0,3
соғлиқни сақлаш ва ижтимоий хизматлар кўрсатиш	6	2,1
бошқа турлар	24	8,5


Фаолият кўрсатаётган хорижий капитал иштирокидаги корхоналарнинг ўсиш динамикаси, бирликда



2020 йил январь-март ойларида хорижий капитал иштирокидаги янги ташкил этилган корхоналарнинг сони 13 тани ташкил қилган. Бу кўрсаткич эса ўтган йилнинг шу даврига нисбатан 28 тага камайган.

Бунда, Россия Федерацияси резидентлари капитали иштирокида 5 та, Туркия Республикаси 2 та, Хитой Халқ Республикаси 2 та ва Корея Республикаси 2 та, ҳамда 2 таси бошқа давлатлар ҳиссасига тўғри келган. Шунингдек, 2020 йил давомида Афғонистон Ислом Республикаси, Германия Федератив Республикаси, Украина, Озарбайжон Республикаси ва бошқа давлатлар резидентлари томонидан қўшма фаолиятга қизиқиш билдиришган.

Янги ташкил этилган хорижий капитал иштирокидаги корхоналарнинг давлатлар кесимида улуши, фоиз (2020 йил январь-март)



Янги (13 та) ташкил этилган хорижий капитал иштирокидаги корхоналарнинг асосий қисми Бухоро (9 та) шаҳри, ҳамда Когон (1 та) тумани ҳиссаларига тўғри келди. Хорижий капитал иштирокидаги корхоналарнинг энг кам ташкил этган ҳудудлар қаторига Гиждувон, Пешкў ва Ромитан (1 тадан) туманлари киради.

Янги ташкил этилган хорижий капитал иштирокидаги корхоналарнинг иқтисодий фаолият турлари бўйича ўсиш динамикаси, бирликда

	2019 йил январь-март		2020 йил январь - март	
	Жами	Умумий сонига нисбатан, фоиз	Жами	Умумий сонига нисбатан, фоиз
Жами	41	100,0	13	100,0
Қишлоқ, ўрмон ва балиқ хўжалиги	7	17,1	2	15,4
Саноат	13	31,7	2	15,4
Қурилиш	5	12,2	2	15,4
Савдо	13	31,7	1	7,7
Яшаш ва овқатланиш	1	2,4	1	7,7
Соғлиқни сақлаш ва ижтимоий хизматлар	2	4,9	2	15,4
бошқалар	-	-	3	23,0

Шу билан бирга, тўғридан-тўғри хорижий инвестициялар ҳажмини кенгайтиришда етарли даражада ишлар тўғри йўлга қўйилмаганлиги сабабли, айрим ҳудудларда хорижий инвестицияларни жалб қилишда беқарорлик сақланиб қолмоқда. Жумладан, Гиждувон, Пешкў ва Ромитан туманларида жорий йил давомида 1 тадан хорижий капитал иштирокидаги корхоналар ташкил этилганлигини кузатилди.

Шунингдек, 2020 йил 1 апрель ҳолатига хорижий капитал иштирокидаги фаолият кўрсатмаётган корхоналар сони 10та бўлиб, булар Бухоро шаҳри (5 та), Когон тумани (2 та), Олот, Бухоро туманларида, ҳамда Когон шаҳри (1 тадан) дир.

2020 йил 1 апрель ҳолатига вилоятимизда фаолият кўрсатаётган кичик корхона ва микрофирмаларнинг сони 20688 (фермер ва деҳқон хўжаликларидан ташқари) тани ташкил қилган. Бу кўрсаткич ўтган йилга нисбатан 81,6 фоизга ошган.

Фаолият кўрсатаётган кичик корхона ва микрофирмаларнинг асосий қисми, яъни 1560 таси (7,6 фоиз) Бухоро шаҳри, 2166 таси (10,5 фоиз) Гиждувон тумани, 1765 таси (8,5 фоиз) Ромитан тумани, ҳамда 1560 таси (7,6 фоиз) Бухоро тумани ҳиссасига тўғри келмоқда. Энг ками Қоровулбозор туманида 416 та (2,0 фоиз), Олот туманида 545 (2,6 фоиз), ҳамда Когон шаҳрида 801 та (3,9 фоиз) ни ташкил этган.

**Худудлар кесимида фаолият кўрсатаётган кичик
тадбиркорлик субъектлари сони**
(фермер ва деҳқон хўжаликларидан ташқари)


	01.04.2019 йил ҳолатига		01.04.2020 йил ҳолатига	
	Жами (бирликда)	жамига нисбатан фоизда	Жами (бирликда)	жамига нисбатан фоизда
Вилоят бўйича	16880	100,0	20688	100,0
Бухоро ш.	5704	33,8	6749	32,6
Когон ш.	603	3,6	801	3,9
<i>туманлар:</i>				
Бухоро	1214	7,2	1560	7,6
Вобкент	727	4,3	894	4,3
Жондор	1141	6,8	1372	6,6
Когон	852	5,0	1098	5,3
Олот	460	2,7	545	2,6
Пешкў	969	5,7	1194	5,8
Ромитан	1355	8,0	1765	8,5
Шофиркон	968	5,7	1139	5,5
Қоракўл	786	4,7	989	4,8
Қоровулбозор	299	1,8	416	2,0
Гиждувон	1802	10,7	2166	10,5

Иқтисодий фаолият турлари кесимида фаолият кўрсатаётган жами 20688 та кичик корхона ва микрофирмаларнинг 5933 таси (28,7 фоиз) савдо, 3695 таси (17,9 фоиз) саноат, 2501 таси (12,1 фоиз) қурилиш, 2323 таси (11,2 фоиз) қишлоқ, ўрмон ва балиқ хўжалиги, 1910 таси (9,2 фоиз) яшаш ва овқатланиш бўйича хизматлар, 1373 таси (6,6 фоиз) ташиш ва сақлаш, 234 таси (1,2 фоиз) ахборот ва алоқа, 516 таси (2,5 фоиз) соғлиқни сақлаш ва ижтимоий хизматлар кўрсатиш ҳамда 2203 таси (10,6 фоиз) бошқа фаолият турлари ҳиссаларига тўғри келади.

Шундан кўришиб турибдики, фаолият кўрсатаётган кичик корхона ва микрофирмаларнинг асосий қисми саноат ва савдо фаолият турларига тўғри келади.

Энг кам улуши эса соғлиқни сақлаш ва ижтимоий хизматлар кўрсатиш ҳамда ахборот ва алоқа фаолият турларига тўғри келган.


Фаолият кўрсатаётган кичик корхона ва микрофирмаларнинг иқтисодий фаолият турлари бўйича улуши, фоизда
(фермер ва деҳқон хўжаликларидан ташқари)



Кичик тадбиркорлик субъектларини қўллаб-қувватлаш асосида уларнинг ишлаб чиқариш фаолиятини самарали ташкил этиш бўйича ишлар етарли даражада ташкил этилмаганлиги сабабли фаолият кўрсатмаётган кичик тадбиркорлик субъектларининг жами рўйхатга олинганларнинг умумий сонига нисбатан улуши юқори бўлмоқда.

2020 йил январь-март ойларида 1320 та кичик корхона ва микрофирмалар янги ташкил этилган. Бу эса ўтган йилнинг шу даврига нисбатан қараганда 1,7 мартага камроқдир. Энг кўп янги ташкил этилган кичик корхона ва микрофирмалар Бухоро шаҳри (368 та), Гиждувон (154 та), Ромитан (122 та) ва Жондор (93 та) туманлари ҳиссасига тўғри келади. Энг кам Қоровулбозор (29 та), Олот (49 та), ҳамда Вобкент (78 та) туманларида ташкил этилган.

**Янги ташкил этилган кичик корхона ва микрофирмаларнинг
иқтисодий фаолият турлари бўйича сони, бирликда
(фермер ва деҳқон хўжаликларидан ташқари)**




Агарда иқтисодий фаолият турлари кесимида кўрадиган бўлсак, энг кўпи савдода 388 та, саноатда 230 та ҳамда яшаш ва овқатланишда 140 та ташкил янги этилган. Энг ками эса соғлиқни сақлаш ва ижтимоий хизмат кўрсатишда 31 та, ахборот ва алоқада 15 та, ҳамда ташиш ва сақлашда 61 та ташкил этилган.

Тижорат корхоналари.

2020 йил 1 апрель ҳолатига 20825 та тижорат шаклидаги корхона ва ташкилотлар фаолият кўрсатаётган бўлиб, шундан хусусий корхоналар 3487 та, оилавий корхоналар 1970 та, масъулияти чекланган жамиятлар 15029 та ва бошқалар 339 тани ташкил этган.

Ташкилий-ҳуқуқий шакллари таснифлагичи бўйича фаолият юритаётган тижорат корхоналарнинг умумий сони, бирликда




Оилавий корхоналар сони

Юридик шахс сифатида давлат рўйхатидан ўтган оилавий корхоналар сони - 2020 йил 1 апрель ҳолатига 2119 тани ташкил этиб, улардан 1970 таси ёки 93,0 фоиз фаолият юритади. Бу кўрсаткич ўтган йилнинг шу даврига нисбатан олганда давлат рўйхатидан ўтганларнинг ҳамда фаолият кўрсатаётганларнинг умумий сони ўртача 61,7 фоизга ошганлигини таъкидлаш лозим.

Фаолият кўрсатаётган оилавий корхоналарнинг иқтисодий фаолият турлари кесимида қаралганда уларнинг 31,7 фоиз ёки 625 таси яшаш ва овқатланиш хизматлари, 27,0 фоиз ёки 531 таси саноат, 21,6 фоиз ёки 426 таси савдо, 8,7 фоиз ёки 172 таси қишлоқ, ўрмон ва балиқ хўжалиги, 1,9 фоиз ёки 37 таси соғлиқни сақлаш ва ижтимоий хизматлар кўрсатиш, 0,8 фоиз ёки 16 таси қурилиш, 0,9 фоиз ёки 18 таси ташиш ва сақлаш, 0,6 фоиз ёки 12 таси ахборот ва алоқа, ҳамда 6,8 фоиз ёки 133 таси бошқа фаолият турлари ҳиссасига тўғри келмоқда.

Фаолият кўрсатаётган оилавий корхоналарни иқтисодий фаолият турлари бўйича улуши (фоиз)



Иқтисодий фаолият турлари кесимида фаолият кўрсатаётган оилавий корхоналарнинг 2020 йил 1 апрель ҳолатига энг кўпи саноат, савдо ҳамда яшаш ва овқатланиш хизматлари, энг кам эса ташиш ва сақлаш, ахборот ва алоқа каби фаолият турлари ҳиссасига тўғри келади.

2020 йил январь-март ойларида жами 390 та корхоналар ва ташкилотлар фаолиятини тугатган. Ушбу кўрсаткич ўтган йилнинг шу даврига нисбатан 261 тага ошган.

Албатта хўжалик юритувчи субъектларнинг бугунги кун талабларига мослашиши ва рақобатбардошлигини ошириш борасида юртимизда талайгина ижобий ўзгаришлар кўзга ташланиб, қатор ислоҳотлар амалга оширилмоқда. Бунинг натижасида мамлакатимизда корхоналарнинг бугунги кун бозорига мослашиши даражаси ортиб бормоқда. Мисол тариқасида 2018 йилда 885 та, 2019 йилда 927 та корхоналар ва ташкилотлар ўз фаолиятини якунлаган бўлса, 2020 йил январь-март ойларида ушбу кўрсаткич 390 тани ташкил этган.

**Янги ташкил этилган ва тугатилган
корхоналар ва ташкилотлар динамикаси, бирликда
(фермер ва деҳқон хўжаликларидан ташқари)**



Агарда тугатилган корхоналарнинг иқтисодий фаолият турлари бўйича қарайдиган бўлсак, 14,6 фоизи ёки 57 таси савдо, 9,2 фоизи ёки 36 таси саноат, 8,2 фоизи ёки 32 таси қурилиш, 10,3 фоизи ёки 40 таси қишлоқ, ўрмон ва балиқ хўжалиги, 6,9 фоизи ёки 27 таси яшаш ва овқатланиш бўйича хизматлар, 4,1 фоизи ёки 16 таси ташиш ва сақлаш, 0,5 фоизи ёки 2 таси ахборот ва алоқа ҳамда 44,9 фоизи ёки 178 таси бошқа фаолият турлари ҳиссаларига тўғри келади.

Шундан кўриниб турибдики, тугатилган корхоналарнинг асосий қисми қишлоқ, ўрмон ва балиқ хўжалиги ва савдо фаолият турларига тўғри келади. Шунингдек, энг кам улуши эса соғлиқни сақлаш ҳамда ахборот ва алоқа фаолият турларига тўғри келган.

**Тугатилган корхоналар ва ташкилотларнинг иқтисодий
фаолият турлари бўйича сони, бирликда
(фермер ва деҳқон хўжаликларидан ташқари)**

	2019 йил январь-март		2020 йил январь-март		
	Жами	Жамига нисбатан улуши, фоиз	Жами	Жамига нисбатан улуши, фоиз	фарқи, (+,-)
Жами	129	100,0	390	100,0	261
<i>шундан:</i>					
Қишлоқ, ўрмон ва балиқ хўжалиги	22	17,0	40	10,3	18
Саноат	23	17,8	36	9,2	13
Қурилиш	9	7,0	32	8,2	23
Савдо	18	14,0	57	14,6	39
Ташиш ва сақлаш	8	6,2	16	4,1	8
Яшаш ва овқатланиш бўйича хизматлар	11	8,5	27	6,9	16
Ахборот ва алоқа	3	2,3	2	0,5	1
Соғлиқни сақлаш ва ижтимоий хизматлар кўрсатиш	1	0,8	5	1,3	4
Бошқа турлар	34	26,4	175	44,9	141

2020 йил январь-март ойларида 248 та кичик тадбиркорлик субъектлари тугатилган. Уларнинг асосий қисми 57 таси (23,0 фоизи) савдо, 35 таси (14,1 фоизи) саноат, 32 таси (12,9 фоизи) қурилиш, 40 таси (16,1 фоизи) қишлоқ, ўрмон ва балиқ хўжалиги, 27 таси (10,9 фоизи) яшаш ва овқатланиш бўйича хизматлар, 16 таси (6,5 фоизи) ташиш ва сақлаш, 2 таси (0,8 фоизи) ахборот ва алоқа ҳамда 34 таси (13,7 фоизи) бошқа фаолият турлари ҳиссаларига тўғри келган.

Тугатилган корхоналар ва ташкилотларнинг иқтисодий фаолият турлари бўйича улуши, фоизда
(фермер ва деҳқон хўжаликларидан ташқари)



Тадбиркорликни қўллаб - қувватлаш натижасида ҳудудларда ҳам тугатилган кичик корхона ва микрофирмалар сони йилдан йилга кўпайиб бормоқда. Ушбу йўналишда асосан Бухоро шаҳрида 144 та, Ромитан туманида 46 та, ҳамда Олот туманида 16 та кичик корхона ва микрофирмалар 2019 йил январь-март ойларига нисбатан кўп тугатилганлигини статистик рақамларда кўришимиз мумкин.